

ILUARSIISSUT

Aningaasaqarnermut Akileraartarnermullu Ataatsimiititaliap isumaliutissiissutaani 8.
november 2023-mik ullulernerqartumi ilanngussaq taarserpaa
(Ilanngussaq amigaataasoq)

Aningaasaqarnermut Akileraartarnermullu Ataatsimiititaliaq
Inatsisartut

25.9. 2023

**Kalaallit Nunaanni umiarsualivimmut akiliummut ilaasunullu
akitsuuteqalersitseqqinnissamut inatsisissatut siunnersuummut oqaaseqaatit.**

AECO-mi (Issittumi ilisimatusaatigaluni umiarsuarnik takornariartaatinik ingerlatsisunut kattuffik) Kalaallit Nunaanni umiarsualivinnut akiliummut ilaasunullu akitsuuteqalersitseqqinnissamut inatsisissatut siunnersuut, Inatsisartunut 2023-mi saqqummiunneqartoq atuarsimavarput.

Erseqqissaatigissavarput taliffiusuni akiliutit akerlilinninnatsigit, isumaqarpugulli akisussaassusilimmik inissinneqarnissaat siumullu pilersaarusiorsinnaanissamut periarfissiinissaat pisariaqarmata. Siunnersuutip Kalaallit Nunaannut annertuumik isertitaqarnissamut tunngaviliinissaa aamma takusinnaavarput.

AECO-mi ilaasortanit akissutinik katersereerluta ukioq manna junimi tusarniaanermut akissummik nassitsivugut. Tusarniaanermi 29. maaji 2023-meersumi atuarneqarsinnaavoq, allannguutit 1. januaari 2025 atuutilersinneqarumaartut.

Taamaattumik tusarniaanermut akissutitsinni atuutilersitsinissamut ullussarititaasoq oqaaseqaatilersimangilarput, tupaallaatigalugulu 2023-mi Inatsisartunut inatsisissatut siunnersuummik saqqummiinermi siunnersuutigineqarmat, allannguutit 1. Januaari 2024-imi atuutilersinneqarnissaa. Allannguut 2024-mi atuutilersinneqassappat, umiarsuarnik takornarialerisut akitsuutit nutaat pilersaarusiarninni ilanngunnissaannut periarfissaqassanngillat, tamannalu inuussutissarsiuutilinnut taamak sivikitsigisumik piffissalikkanut annertuumik aningaasartuutaassaaq.

Takornariaqarnermik inuussutissarsiuutilit arlaleriarlutik uparuartuutigisarpaat, aningaasarsiortut allat assigalugit, killiliussatut piumasaqaatini allannguutinut nalerisaanissaq siumullu pilersaarusiorsinnaanissaq takornarialerisunut aamma pisariaqarmat. Ingerlatsinerit nalerisarnissaannut naleqquttumik piffisaqartitaanissaq pisariaqartinneqarpoq.

Taamaattumik neriutigaarput ilaasunut akitsuuteqalersitseqqinnissap atuutilersinnissaata 1. januaari 2015-mut inissinneqarnissaa. Angallatinut 30.000 BRT-iniit annerusunut usitussutsimut akitsuummik allannguinnissamut siunnersuut, ilaasortaatinut angisuunut taamaallaat sunniisussaannngilaq, ilisimatusaatigaluni umiarsuarnik takornariartaatit ilaannut tamanna aamma atuuppoq. Ilisimatusaatigaluni umiarsuarnik takornariartaatit nalinginnaasumik sikusiutaasarput isumannaallisaanermullu atortunik amerlanerusunik useqarsinnaalersillugit sanaajullutik. Taamaattumik ilaasortaatinut angisuunut allanut sanilliullutik, ilaasullu amerlassusaannut naleqqiullutik anginerusarput. Umiarsuarnut

taakkununga talittarfiit ilaanni usitussutsimut akitsuummik marloriaammik annertusineq aningaasartuuteqarnerulersitsissaaq, 1. januaari 2024-milu atuutilersitsisoqassapat aningaasanik atortussanik naatsorsuinissamut pilersaarusiornissamullu piffissaqartitsissanngilaq.

Kommunemi aserfallatsaaliuinermit- avatangiisimullu tunngatillugu akiliutip talinnermi ataatsimi inummut ataatumut DKK 20-miit DKK 50-mut qaffannissaa Inatsisartunut siunnersuutigineqarpoq. Tamanna tusarniaanermi siunnersuummut sanilliullugu qaffaaneruvoq annertoq.

Saniatigut ersarinngilaq sumiiffinni qanoq amerlatigisuni sumilu kommunemut akiliut talinnermi ataatsimi inummut ataatumut DKK 50-nik nalilik atuunnersoq. 1. januaari 2024-imi atuutilersinneqassapat, tamanna piffissami takornariarfiusussami aningaasartuutitut tunngatillugu annertuumik nalornissutaavoq. Taamaattumik kajumissaarutigaarput piaarnerpaamik sumiiffinni sorlarni akitsuutit taakku atuuffiinik allattuiffimmik saqqummiisoqarnissaa, takornarialerisut tamanna malillugu pilersaarusiorsinnaanissammata. Siunnersuummi sumiiffiit allattorsimaffii ukiumut tulliuuttumut atuuttut, ukiumiit ukiumut 1 oktobari nallertinnagu allangortinneqarsinnaanissaat ammaanneqarpoq. Uparuarusupparput tamanna takornarialerisut ukiup takornariarfissap tulliusup siumut aningaasartuutissanut tunngatillugu pilersaarusiorsinnaanissaannik ajornarnerulersitsissammat, pilersaarusiornermi aningaasanillu atortussanik missingersuineq piffissami tassani suliarereerreqartarput. Siunnersuutigaarput kommunemiit allattuiffiit atuutilersinnginneraniit ukiut marluk sioqqullugit nalunaarsorneqartarnissaat, ammanerusumik ingerlatsinissaq takornariaqarnermilu pilersaarusiornissamut piffisaqarnerunissaq qulakkeerniarlugu.

Inuss. Inuull.

Anders la Cour Vahl
Deputy Director
AECO (Association of Arctic Expedition Cruise Operators)